



Broj: 01,02-02-1-16/15

Sarajevo, 11.9.2015.

Parlamentarna skupština BiH
Kolegij Predstavničkog doma



Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14), Zakonodavno-pravni sektor dostavlja

MIŠLJENJE

o usklađenosti Prijedloga zakona o dopunama Zakona o zaštiti potrošača u Bosni i Hercegovini s članom 105. Poslovnika Predstavničkog doma Parlamentarne skupštine BiH i Jedinistvenim pravilima za izradu pravnih propisa u institucijama Bosne i Hercegovine

Predsjedavajuća Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01,02-02-1-15/15, od 10.9.2015., dostavila Prijedlog zakona o dopunama Zakona o zaštiti potrošača u Bosni i Hercegovini (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinistvenim pravilima za izradu pravnih propisa u institucijama BiH.

Prijedlog zakona, broj: 01, 02-02-1-15/15, od 7.9.2015., podnijelo je Vijeće ministara BiH, kao ovlašteni predlagač, u skladu s članom 104. stav (1) Poslovnika Predstavničkog doma.

I. Usklađenost s odredbama Poslovnika Predstavničkog doma Parlamentarne skupštine BiH

Prijedlog zakona je, u skladu s članom 105. stav (1) Poslovnika Predstavničkog doma, podnesen u formi teksta, u pisanoj i elektronskoj formi, na jezicima i pismima u službenoj upotrebi u BiH.

Članom 105. stav (3) Poslovnika Predstavničkog doma propisano je da se uz prijedlog zakona dostavlja obrazloženje koje sadrži:

- ustavni osnov za usvajanje zakona
- razloge za donošenje zakona
- c) principe na kojima je zasnovan prijedlog zakona***
- procjenu finansijskih sredstava neophodnih za provođenje zakona
- e) mišljenje Direkcije za evropske integracije o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona i***
- bilo koje druge okolnosti koje bi Domu mogle pojasniti razloge za donošenje zakona.

U vezi s tim, uz Prijedlog zakona dostavljeno je obrazloženje, koje sadrži:

1. ustavni osnov;
2. razloge za donošenje;
3. usklađenost propisa s evropskim zakonodavstvom, gdje se navodi da se konkretnim prijedlogom zakona ne vrši usklađivanje bosanskohercegovačkog zakonodavstva sa zakonodavstvom Evropske unije, ali ne i konkretno mišljenje Direkcije za evropske integracije Bosne i Hercegovine o tome;
4. obrazloženje predloženih rješenja;
5. finansijska sredstva te
6. opis konsultacija vođenih u procesu izrade prijedloga propisa, u kojem se navode institucije s kojima su obavljene konsultacije u postupku izrade propisa, kao i institucije kojima se prijedlog zakona dostavio na izjašnjenje, odnosno institucije čije se mišljenje tražilo i pribavilo, ali ne i konkretna mišljenja.

Članom 105. stav (5) propisano je da se uz prijedlog izmjena ili dopuna zakona prilažu i odredbe članova koje se mijenjaju, odnosno dopunjavaju, te verzija prečišćenog teksta zakona.


Uz Prijedlog zakona dostavljen je tekst Zakona o zaštiti potrošača u Bosni i Hercegovini.

Iz navedenog proizlazi da Prijedlog zakona o dopunama Zakona o zaštiti potrošača u Bosni i Hercegovini **nije u potpunosti** usklađen s članom 105. stav (3) tač. c) i e) Poslovnika Predstavničkog doma.

II. Usklađenost s Jedinštvnim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Prijedlog zakona svojom strukturom, formom i stilom odražava pravila izrade pravnih propisa, kako je i propisano Jedinštvnim pravilima za izradu pravnih propisa u institucijama Bosne i Hercegovine, te je **usklađen** s Jedinštvnim pravilima za izradu pravnih propisa u institucijama Bosne i Hercegovine.

Rukovoditeljica
Zakonodavno-pravnog sektora


Mirjana Kutanjac